

Baez hai dennauj, QQ gag hwnjsienq lo, sikhaek sou ndaej haujlai saenqsik, dingzlai cungj dwg angqhoh “ciet sam bet vaiqvued”, nauhnangnang, hoenghwdhwd, gou sim’ angq raixcaix. Yawjraen doengz–doi, doengzhag youq ndaw QQ gangjlwnh baenzlawz gvaq ciet, bae gizlawz guhcaemz, gou yienznaeuz sim haenznyubnyub, hoeng, swhgeij mbouj guh saek sing. Aenvih, mboengqneix hong nyaengqnyatnyat, mbouj caengz ndaej ngeix gvaq baenzlawz gvaq ciet, mbouj miz saek di cunjbei, doengzdoh iu bae gizlawz guhcaemz, hix mbouj rox baenzlawz han.

Daihgya cingq gangjlwnh dwk, ndaw danhvei miz vunz dwk dienhvah daeuj naeuz bae camgya hozdung hoh “ciet sam bet”.

Mboengqneix cungj guh hong dennauj, guh ndaej haeujmaez, cingq daraiz gyaauj ngunh, dingq naeuz danhvei bae guh hozdung, gou angq raixcaix.

Naemj daengz haemq nanz mbouj okrog bae guhcaemz, aensim couh sikhaek mbin gvaq ndoi gvaq lueg lo.

saojvwz

“Sam Bet” Vaiqvued

“三八”快乐

□ Ganh Sozvwz/甘说文



Sim baez maengx, couh youq gwnz QQ sij le hot fwen ndeu byaujdaz gij simcingz caeuq siengfap swheij, hix suenq han doengzdoh.

Mizeiq coux sam bet,
Baizletlet hong lai;
Mbouj haenz vunz fouqcaiz,
Cij maij bae rog byaij.

Siengj daengz seizcin daeuj lo, rog doengh gwnz ndoi, bak va angjo roeg heuh didek, rumzcin cife, gyaegywtgywt, ndeindi’ ndi, vuen–vuedvued, haemq nanz mbouj bae rog doengh gwnz ndoi guhcaemz, seizneix daihgya cungj angq gvaq “ciet sam bet”, bae lijyouz, gou sim engq haenz lo, couh sim mbinfangfang hwnjdaej. Hai, mboujguenj hong geijlai nyaengq, hix roengzsim lo, ngoenz singhgiz itdingh bae rog guhcaemz. Ndigah, youh sij le hot fwen daihgeih lwnh doengzdoh:

Singhgiz bouj “sam bet”,
Gizgyawj cet bya’ ndoi;
Vunz bae gizgyae youz,
Gou bae rog suen byaij.

Hong nyaengq feiq simlig,
Ngoenzngoenz mbik mbouj hai;
Ndaeijhoengq rog bae byaij,
Seizcin caij ndoi doengh.

Yaep ndeu, miz boux doengzdoh ndeu youq ndaw QQ fat saenqsik daeuj——“hoh mwngz sam bet vaiqvued”. Gou cingq nyaengq, mbouj haeujsim hoiz vah hawj de. Mbouj geijlai nanz, de youh sij “doiq mbouj hwnj, dwg ‘ciet sam bet vaiqvued’”.

Hwhw, “sam bet” roxnaeuz “ciet sam bet”, gou gaenbonj mbouj lwnh, vunzlai hix caeux mbouj lwnh lo. “Sam bet” caeux gaengq bienqbaenz aen swz heuh mehmbwk lo. Gijneix wnggai daj “ciet sam bet” rangh ndaej daeuj ba —— bibi hoh “ciet sam bet”, bingz “sam bet hungzgizsouj” daengj, “sam bet” couh bienqbaenz mingzlawh mehmbwk lo. Seizneix “sam bet” ceij boux mehmbwk neix youq danhvei, roxnaeuz guh goengsaeh guh ndaej daegbied ndei, daegbied ak, “sam bet” gaengq baenz mingzlawh boux mehmbwk maenh’ ak lo.

(caengz sat)

Hwng Ginghci Lajmbanj

建设农村经济

□ Suh Dasingh /苏大星

Lajmbanj miz “sanh nungz”
Vut bae gungz caeuq hoj
Byaij diuz daegsaek loh
Naj bienq moqsupsup

Gij ginghci lajmbanj
Aeu ganj guh gensez
Gak hangz saehnieb mbe
Couh baengh de guh goek

Nungzminz guh gengndaem
Gaem haeuxgwn swngchcanj
Cien fueng bak geiq ganj
Haeux an’ onj miz bau

Gwnz bo lai ndaem faex

Swnghdai ndaej gaem maenh
Miz faex couh miz ngaenz
Gaenx guh baenz bouxfouq

Bo’ nywj ciengx cwzyiengz
Goekfaex ciengx bitgaeq
Gai haeuj hawsingz bae
Ndaej cienz rom ngaenzhangz

Vanzlij miz vunzhoengq
Bae Guengjdoeng gai rengz
Haeuj cangj guh baenz bengz
Miz rengz ra ndaej gim

Henzhaij couh ciengx bya
Bouxsaedaz bouxmibanj

Caengzga caemh fazcanj
Ranzranz cungj miz cienz

Dangjcunghyangh yawjnaek
Namzbaek lai gyauhliuz
Baihsae haifat riuz
Ginghci couh hwnj mbaek

Raeuz aeu vunz guh bonj
Gyonj daeuj vih yinzminz
Singz mbanj caemhcaez mbin
Diem din coh siujgangh

Hwng lajmbanj ginghci
Nungzminz miz leih’ ik
Hong siundaw miz lig
Sevei gig gyaunde

Hoeng wnggai yungh banhfap gijmaz daeuj gaijgez aen vwndiz neix ne? Lij dawz mbouj ok aen banhfap ndei daeuj. De doiq Se Dunghlaiz naeuz: “Raeuz wnggai ndeindei dingq gij eiqgienh seyen z caeuq gyoengq boux ganbu giekdaj mbat ndeu gonq.”

De youq gizde diucaz cib lai ngoenz, hai le haujlai baez hoih. Veiz Gozcingh gangj Vahcuengh Doenglanz yienznaeuz caeuq Vahcuengh Vuj–mingz doxca gig laux, hoeng haujlai giz vanzlij ndaej doxdoeng bw. De gingciengz aeu Vahcuengh cam eiqgienh vunzlai, aenvih de gangj Vahcuengh dangdieg mbouj lumj geijlai, ciengzseiz hawj vunz riuhaha. De unqswnh dak vunz, youh rox doengsug han gij vwndiz vunzlai daez ok haenx, seyen z cungj maij fanjyingj cingzgvang hawj de nyi. Gyanghaemh mwh yaek haihoih, coj miz gyoengq

laeq lwgnyez humx youq henzndang de, haemq neix haemq haenx. Bouxgeq hix maij caeuq de yungh Vahcuengh gangjgoj. Gyoengqvunz cigsoh doiq de fanjyingj hongreihnaz roek cib diuz gvidingh fat roengzdaej le, swngchcanj、gwndaenj cungj ndei lai lo, hoeng vunzlai doiq doengzcae z guhhong mbouj daiq hwnjheiq, gij swngchcanjdui fouq haenx nyinhnaeuz caiq baenzlawz haenqrengz guh hong

hix lauz mbouj ndaej geijlai youz, gij swngchcanjdui hoj haenx nyinhnaeuz baenzlawz guh cungj youz dadui mbatnde u baen hawj, guh ok doxgaiq noix le hix gojyij ndaej daengz caez diuzboiq, seyen z doiq doengzcae z ok–hong mbouj nyienh okrengz, doiq guh dieggagndaem caeuq hai fwz gig hwnjheiq. Mwngz yawjraen gaiq reih roxnaeuz gaiq naz lawz gomiuz maj ndaej ndei, mbouj yungh cam couh rox

dwg gaiq reih roxnaeuz gaiq naz ranz lawz gag ndaem haenx. Veiz Gozcingh cam gyoengqde baenzlawz guh cij ndaej hawj vunzlai nyienh lai guh hong vunzlai doxgungh ne? Gyoengq–de nyinhnaeuz aen banhfap ceiq ndei haenx dwg bau dingh yinvu gyau haeux le, gaiqwnq couh dwg dui lawz ndaem gijmaz couh sou gijmaz, raemxmboq mbouj famh raemxdah.

(caengz sat)

Veiz Gozcingh Sangcieng Cawj–guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

laeq lwgnyez humx youq henzndang de, haemq neix haemq haenx. Bouxgeq hix maij caeuq de yungh Vahcuengh gangjgoj. Gyoengqvunz cigsoh doiq de fanjyingj hongreihnaz roek cib diuz gvidingh fat roengzdaej le, swngchcanj、gwndaenj cungj ndei lai lo, hoeng vunzlai doiq doengzcae z guhhong mbouj daiq hwnjheiq, gij swngchcanjdui fouq haenx nyinhnaeuz caiq baenzlawz haenqrengz guh hong

hix lauz mbouj ndaej geijlai youz, gij swngchcanjdui hoj haenx nyinhnaeuz baenzlawz guh cungj youz dadui mbatnde u baen hawj, guh ok doxgaiq noix le hix gojyij ndaej daengz caez diuzboiq, seyen z doiq doengzcae z ok–hong mbouj nyienh okrengz, doiq guh dieggagndaem caeuq hai fwz gig hwnjheiq. Mwngz yawjraen gaiq reih roxnaeuz gaiq naz lawz gomiuz maj ndaej ndei, mbouj yungh cam couh rox

dwg gaiq reih roxnaeuz gaiq naz ranz lawz gag ndaem haenx. Veiz Gozcingh cam gyoengqde baenzlawz guh cij ndaej hawj vunzlai nyienh lai guh hong vunzlai doxgungh ne? Gyoengq–de nyinhnaeuz aen banhfap ceiq ndei haenx dwg bau dingh yinvu gyau haeux le, gaiqwnq couh dwg dui lawz ndaem gijmaz couh sou gijmaz, raemxmboq mbouj famh raemxdah.

(caengz sat)